

植物名實圖攷

植物名實圖考卷之三十四

固始吳其濬著

蒙自陸應穀校刊

木類

雲葉

黃棟樹

猗芽樹

月芽樹

回回醋

白欖樹

槭樹芽

老葉兒樹

龍柏芽

兜欖樹

卽榲

山茶科

木葛

花楸樹

白辛樹

烏桕樹

刺楸樹

黃絲藤

山格刺樹

筩樹

報馬樹

檫樹

臭蕚

堅莢樹

臭竹樹

馬魚兒條


老婆布鞋

青舍子條

驢駝布袋

婆婆枕頭

青檀樹



雲葉

救荒本草雲葉生密縣山野中其樹枝葉皆類桑但其葉如雲頭花又似木欒樹葉微闊開細青黃花其葉味微苦採嫩葉煤熟換水浸淘去苦味油鹽調食或蒸晒作茶尤佳



黃棟樹


救荒本草黃棟樹生鄭州南山野中葉似初生椿樹葉而極小  
又似棟葉色微帶黃開花紫赤色結子如豌豆大生青熟亦紫  
赤色葉味苦採嫩芽葉燂熟換水浸去苦味油鹽調食蒸芽曝  
乾亦可作茶煮飲






稭芽樹

救荒本草稭芽樹生輝縣山野中科條似槐條葉似冬青葉微  
長開白花結青白子其葉味甜採嫩葉煤熟水淘淨油鹽調食



月芽樹

救荒本草月芽樹又名枏芽生田野中莖似槐條葉似歪頭菜  
葉微短稍硬又似穉芽葉頗長觔其葉兩兩對生味甘微苦採  
嫩葉燂熟水浸淘淨油鹽調食



回回醋

救荒本草回回醋一名淋模橄生密縣韶華山山野中樹高丈餘葉似兜欂樹葉而厚大邊有大鋸齒又似厚椿葉而亦大或三葉或五葉排生一莖開白花結子大如豌豆熟則紅紫色味酸葉味微酸採葉燂熟水浸去酸味淘淨油鹽調食其子調和湯味如醋

白槿樹

木類卷之三十四



白槿樹

救荒本草白槿樹生密縣梁家衝山谷中樹高五七尺葉似茶葉而其闊大光潤又似初生青岡葉而無花又似山格刺樹葉亦大開白花其葉味苦採葉燂熟水浸淘淨油鹽調食



